

Supervizor Gregorian odao poštu žrtvama koje su ekshumirane iz masovne grobnice u Distriktu



Supervizor za Brčko, dr. Raffi Gregorian, prisustvovao je ukopu 47 civilnih žrtava rata iz Brčkog, koji je održan danas, 14.06.2008., kako bi odao poštu žrtvama, podijelio žalost sa porodicama i izrazio iskreno saučešće.

Žrtve su ekshumirane u jesen 2006. iz sekundarne masovne grobnice u Goricama. Ovo je drugi ukop koji je uslijedio nakon teškog procesa identifikacije svih ekshumiranih tijela, koji još uvijek traje. Kada je posjetio grobnicu u novembru 2006., osudio je ubistvo ovih žrtava, ali isto tako i njihovo naknadno premještanje u sekundarnu grobnicu, što je učinjeno sa namjerom da žrtve budu lišene identiteta i da se nanese još više bola njihovim bližnjim.

Supervizor je još jednom odlučno istakao i svoju ličnu i opredijeljenost OHR-a da se osigura da oni koji su odgovorni za ovakve zločine budu izvedeni pred lice pravde, naročito bjegunci za kojima postoji potjernica raspisana od strane Međunarodnog krivičnog suda za bivšu Jugoslaviju, Radovan Karadžić i Ratko Mladić.

“Međunarodna zajednica je svjesna odgovornosti koju svi imamo prema žrtvama i njihovim porodicama, a trebalo bi da to budu i vlasti i institucije svih zemalja kojih se to tiče. Nedavno hapšenje Stojana Župljanina pokazuje da zajedničkim radom sa međunarodnom zajednicom, lokalni partneri, koji su posvećeni vladavini prava, mogu ove genocidne ubice da izvedu pred lice pravde”, rekao je supervizor Gregorian.

“Iako se bol zbog gubitka neće umanjiti, identifikovanje i dostojanstven ukop ovih žrtava će barem pomoći da se to poglavlje zatvori za one koji ih oplakuju. Neka počivaju u miru”, zaključio je Gregorian.